

De non presentar a solicitude e documentación consonte o establecido anteriormente, as solicitudes serán excluídas do proceso de admisión.

2. Os solicitantes que participaron en convocatorias anteriores dentro dos últimos cinco anos, e pasaron á fase de asesoramento e/ou de avaliación ou quedaron como reservas por non dispor de prazas vacantes, de participar na presente convocatoria e na mesma sede non terán que presentar a documentación xa achegada. Tamén poderán acollerse na aplicación informática á opción de recuperar os datos cargados para actualizalos, ou cargar unha solicitude de novo.

3. O prazo de presentación de solicitudes será desde o 10 de xaneiro ao 3 de febreiro de 2017, ambos os dous incluídos.

4. Xunto coa solicitude cumprirá presentar a seguinte documentación:

a) Para todos os solicitantes.

– Copia do DNI/NIE da persoa solicitante, só no caso de denegar expresamente a súa consulta.

– No caso de persoas estranxeiras, documento acreditativo da residencia en España, só no caso de denegar expresamente a súa consulta.

– No caso de persoas estranxeiras, permiso de traballo, só no caso de denegar expresamente a consulta de residencia ou de non presentar o documento acreditativo.

– Certificado da situación actual de desemprego expedido polo Instituto Nacional de Emprego, só no caso de denegar expresamente a súa consulta para o caso de persoas desempregadas que soliciten a exención de taxas.

– Certificado do rexistro de cidadán ou cidadá comunitario/a ou tarxeta familiar de cidadán da Unión Europea ou, se é o caso, copia do pasaporte en vigor (no caso de cidadáns comunitarios que non estean recollidos na situación anterior).

– Certificado acreditativo da discapacidade no caso de non ser emitido pola Xunta ou de denegar expresamente a súa consulta, no caso de solicitar algunha adaptación ou a exención das taxas.

– Currículo europeo en formato oficial. Poderase xerar desde a aplicación cos datos incorporados nas pestanas de formación, experiencia e historial profesional e formativo.



– Copia dos certificados que acrediten a formación alegada, en que consten os contidos e as horas de formación e o organismo que a acredita.

b) Solicitantes que reúnan os requisitos pola vía da experiencia laboral.

Solicitantes que adquiran as competencias como traballadores e traballadoras asalariados.

– Certificado da Tesouraría Xeral da Seguridade Social, do Instituto Social da Mariña ou da mutualidade laboral en que se teña afiliación, onde consten a empresa, a categoría laboral (grupo de cotización) e o período de contratación (informe de vida laboral).

– Copia dos contratos de traballo.

– Certificado da empresa en que se adquirira a experiencia laboral, no cal se reflecta especificamente a duración dos períodos de prestación do contrato, a actividade desenvolvida e o intervalo de tempo en que se realizou a dita actividade segundo o modelo de anexo V.

Solicitantes que adquiran as competencias como traballadores ou traballadoras autónomos ou por conta propia.

– Certificado da Tesouraría Xeral da Seguridade Social ou do Instituto Social da Mariña dos períodos de alta na Seguridade Social no réxime especial correspondente.

– Descrición da actividade desenvolvida e intervalo de tempo en que se realizou, adaptado ao modelo de anexo V.

Solicitantes que adquiran as competencias como traballadores ou traballadoras voluntarios ou bolseiros.

– Certificación da organización onde consten as actividades e funcións realizadas e o número total de horas, adaptada ao modelo de V.

c) Solicitantes que non poidan xustificar a súa experiencia acolléndose ao artigo 6.2.

– Calquera outra documentación de carácter laboral e/ou formativo que sirva como proba potencial da competencia que se pretenda demostrar e permita contrastar os requisitos.

